

मार्निंग डोगरी न्यूज़ बुलेटिन, समें. **09-20** Hrs

Headlines

1. प्रधानमंत्री नरेन्द्र मोदी होर अज्ज वाराणसी थमां 6 ज्हार 100 करोड़ रुपें दिएं विकास परियोजनाएं गी शुरु करोआउन।
2. जम्मू-कश्मीर दे नमें विधायक कल संगारें अपने औहद्वे दी सगंध चुक्कउन। प्रो-टेम स्पीकर मुबारक गुल होरें विधानसभा परिसर दा दौरा लाइयै शपथ ग्रहण समारोह लेई लोड़चदे बंदोबस्त जकीनी बनाने लेई आखेआ।
3. मुख्यमंत्री ओमर अब्दुल्ला होरें जम्मू खित्ते दे सब्बनें जिलें दा इक बरोबर विकास जकीनी बनाने दी अपनी वचनबद्धता गी फही पक्का कीता ऐ।
4. मुख्यमंत्री ओमर अब्दुल्ला ते बॉलीवुड कलाकार सुनील शेट्टी होरें अज्ज बड्डलै कश्मीर मैराथन द्रौड़ गी झंडी दस्सियै रवाना कीता।

<><><><><><>

PM Varanasi

प्रधानमंत्री नरेन्द्र मोदी होर अज्ज अपने संसदी हल्के वाराणसी दा दौरा लाउन ते तकरीबन 6 ज्हार 100 करोड़ रुपे दी लागत आलिएं परियोजनाएं दा उद्घाटन करउन। श्री मोदी होर दपैहरी 2 बजे काशी पुज्जउन ते उत्थे आर.जे. शंकरा अक्खीं दे अस्पताल दा उद्घाटन करउन। एहदे मगरा संजा तकरीबन सवा 4 बजे ओह वाराणसी दे सिगरा स्टेडियम च नेकां विकास परियोजना दा उद्घाटन ते नींह पत्थर रक्खउन। आर.जे. शंकरा अस्पताल च अक्खिएं दिएं बक्ख-बक्ख बमारिएं ताई व्यापक सलाह-मशवरे ते ईलाज दी सहूलत थहोग। इस मौके उपपर प्रधानमंत्री होर लोकें गी संबोधत बी करगंन। संपर्क गी बढ़ावा देने आली अपनी वचनबद्धता मताबक बी मोदी लाल बहादुर शास्त्री अंतर्राष्ट्री ब्हाई अड्डा वाराणसी दे रनवे दे विस्तार ते नमीं टर्मिनल ईमारत दे निर्माण आस्तै तकरीबन 2 ज्हार 870 करोड़ दी लागज कन्नै सरबंधत कम्में दा नींह पत्थर रक्खगंन। ओह आगरा, दरभंगा ते बगडोगरा ब्हाई अड्डे पर नमें सिविल एन्कलेव लेई बी नींह पत्थर रक्खउन।

<><><><><><>

MLA Oath

जम्मू कश्मीर विधानसभा दे नमें चुने गेदे विधायकें गी कल ईदगाह थमां विधायक मुबारक गुल जेहड़े प्रोटेम स्पीकर न, होर औहदे दी सगंध चुकांगन। उपराज्यपाल मनोज सिन्हा होरें 6 बारी विधायक रेई चुके दे मुबारक गुल होरें गी प्रोटेम स्पीकर नियुक्त कीता हा। ओह हुन नमें विधायकें गी सगंध चुकांगन। श्रीनगर च सोमवारें दपैहरी 2 बजे विधानसभा परिसर च सगंध चुक्कने आला समारोह आयोजित कीता जाग। नमीं विधानसभा सत्र दे शुरू होने मगरा विधायकें तरफा स्टाई स्पीकर चुनेआ जाग। मुबारक गुल होरें कल विधानसभा परिषद दा दौरा लाइयै सोमवार दे कार्यक्रम दी तैआरिएं दा जायजा लैता। उनें असेंबली हाल, बैठक हाल ते मुख्यमंत्री, स्पीकर, उपमुख्यमंत्री ते दुए मंत्रिएं दे चैंबरें दा बी दौरा लाया। उनें तैआरिएं पर तसल्ली जताई ते अमले गी पूरी मेहनत मशक्कत कन्नै कम्म करने दी हिदायत दित्ती।

<><><><><><>

RTI Dr Jitendra Singh

भारत दे मुख्ख सूचना आयुक्त हीरालाल समारिया होरें कल अमले ते सिखलाई सरबंधी मैहकमे दे प्रभारी मंत्री डाक्टर जीतेन्द्र सिंह हुंदे'नै मलाटी कीती। बैठक दरान समारिया होरें मंत्री होरें'गी दस्सेआ जे केन्द्री सूचना आयोग नै मजूदा माली ब'रे दे पैहले 6एं म्हीनें दरान 100 फीसद आरटीआई—एं पर कार्रवाई जकीनी बनाई ऐ। डाक्टर सिंह होरें आरटीआई—एं दे अध्ययन, आकलन ते तर्ज सने आरटीआई दायर करने आहले आवेदक दे ब्यौरे जांचने लेई लगातार आर्टिफीशियल इंटेलीजेंस दा इस्तेमाल करने लेई मुख्ख सूचना आयुक्त हुंदे दपतरै दी सराहना कीती। मुख्ख सूचना आयुक्त होरें उनें'गी इब्बी दस्सेआ जे हून मोबाईल ऐप दी मदाद कन्नै बी आरटीआई आवेदन दायर कीते जाई सकदे न। केन्द्री मंत्री होरें गलाया जे एह मोदी सरकार दे जतनें करी गै मुमकन होई सकेआ ऐ जे अज्ज कोई बी व्यक्ति, कुसै बी समें ते कुसै बी थाहरै परा आरटीआई लेई ऑनलाईन आवेदन करी सकदा ऐ।

<><><><><><>

UN Human Rights

संयुक्त राष्ट्र दी मनुक्खी अधिकारें सरबंधी कमेटी आसेआ दित्ती गेदी ब्यौरेवार रिपोर्ट नै पाकिस्तान च धार्मिक अजरनिकता, जबरन अगवाईएं, ते हिंदू ते ईसाई धर्म दिएं कुड़िएं दा जबरन धर्म बदलने सने मीडिया पर बंदिशें ते अभिव्यक्ति दी आजादी गी लेइयै गंभीर चैंतां पैदा करी दित्तिआं न। संयुक्त राष्ट्र दी इस कमेटी नै शिया मुसलमानें, ईसाईएं, अहमदिया, हिंदुएं ते सिक्खें पर हमलें दी गिनतरी च लगातार होआ करदे बाददे पर पाकिस्तानी सरकार दी नाकामी गी लेइयै बी सोआल पुट्टे न।

<><><><><><>

Paddy Cleaning

जम्मू दे जिला मैजिस्ट्रेट सचिन कुमार वैश्य होरें मुंजी दी छटाई आस्तै भाह तैह करने दे सरबंधे च इक हुक्म जारी कीता ऐ। खरीद फसल मौसम 2024 आस्तै भाह 50 रपे प्रति क्विंटल तैह कीता गेआ ऐ। हुक्मै च सख्ती कन्नै आखेआ गेआ ऐ जे कोई ठेकेदार एहदे शा बद्ध पैसे नेई लेई सकदा। जेकर ऐसा हुंदा ऐ ते कन्नू दे दायरे हेठ सख्त कारवाई कीती जाग। जारी हुक्म च साफ कीता गेआ ऐ जे जम्मू जिले च 12 मौसमी मंडियां स्थापत कीतियां गेइयां न। इनें मंडिणं गी स्थापत गी इस करी स्थापत कीता गेआ ऐ जे किसानें गी अपनी फसल आस्तै घट्टोघट्ट समर्थन मूल्ल हासल होई सकै। इस बारी आस्तै आम मुंजी दा एमएसपी 2300 रपे प्रति क्विंटल, ग्रेड-ए मुंजी दा एमएसपी 2320 रपे प्रति क्विंटल ऐ जेहड़ा भारत सरकार दी तरफा निर्धारित कीता गेदा ऐ।

<><><><><><>

Karvachouth

देसै दे होरने हिस्सें आला लेखा उत्तर भारत च बी अज्ज करवाचौथ दा ध्यार धूमधाम कन्नै मनाया जा'रदा ऐ। जम्मू च बी अज्ज महिला अपने घरें आलें दी लम्मी आरबला लेई निर्जल बरत रक्खा करदियां न। इसी हिंदू महिलाएं लेई सब्बने शा बड़डा ध्यार मन्नेआ जंदा ऐ। हिंदू कलैंडर मूजब एह पर्व कत्ते म्हीने दी पुन्नेया दे बाद ओने आले चौथे ध्याड़े मनाया जंदा ऐ। करवाचौथ गी दिक्खदे होई जम्मू दे बजारें च पिच्छले केई दिन थमां बड़ी मती रौनक लब्बा करदी ऐ। खरीददारी दे अलावा महिला इस पर्व लेई हत्थें च मेंहदी बी लोआ'रदियां न। अज्ज संजा लै महिला इस पर्व दी विशेष पूजा करगंन ते रातीं लै चन्द्रमा गी दिक्खियै अपना बरत पोआरगंन।

<><><><><><>

Omar Deligation

जम्मू दे बक्ख-बक्ख जिले थमां किश प्रतिनिधिएं मुख्खमंत्री उमर अब्दुल्ला हुंदे कन्नै जम्मू च उंदे निवास स्थान पर मलाटी कीती। इनें लोकें अपने अपने क्षेत्र चविकास सरबंधी मुद्दें पर चर्चा कीती ते मुख्खमंत्री होरें गी एहदे च दखल देने दी इच्छा जताई। 10 अक्टूबर गी मुख्खमंत्री दा औहदा सांभने मगरा उमर अब्दुल्ला हुंदा एह जम्मू दा पैहला दौरा ऐ। मजूद प्रतिनिधिमंडल नै मुख्खमंत्री होरें गी नमीं जिम्मेदारी मिलने आस्तै मुबारकबाद बी दित्ती। मुख्खमंत्री हुंदे गौर च आंदे गेदे मुद्दें आधारभूत विकास ते समाज कल्याण कन्ने जुड़ी दी सेवा हियां। मुख्खमंत्री होरें इस तौके भरोसा दोआया जे उंदी चिंताएं पर तौले गै कम्म कीता जाग। उनें जम्मू दे हर इक जिले च बरोबर विकास पक्का करने दा अपना धेइया दोहराया ते आखेआ जे हर इक समुदाय दी जरूरतें दा ख्याल रखना सरकार दी प्राथमिकता ऐ।

<><><><><><>

मुख्यमंत्री उमर अब्दुल्ला होर अपना औहदा संभालने मगरा जम्मू च अपने पैहले संबोधन च आखेआ जे उंदी सरकार जम्मू कश्मीर च मीडिया दी आजादी दी पूरी चाल्ली रक्षा करोग। उनें आखेआ जे उंदी सरकार च नुक्ताचीनी करने आले खलाफ कोई कारवाई नेई कीती जाग। पार्टी कार्यकर्ताएं गी संबोधत करदे होई उमर अब्दुल्ला होरें आखेआ जे ओह अपने मीडिया साथिएं गी भरोसा दोआंदे न जे सख्त कारवाई जां उंदे कन्नै अन्याय नेई होग। उनें आखेआ मेरे खलाफ लिखने च बी तुसेंगी कोई सजा नेई भुगतनी पौग। उनें आखेआ जे प्रजातंत्र उसलै तोड़ी मजबूत नेई होई सकदा जिसलै तोड़ी मीडिया गर अपने कम्म नेई करन दित्ता जाग। उनें आखेआ जे इस क्षेत्र च पत्रकारें गी पेश आवा'रदिएं चुनौतिएं बारे बी ओह शैल तरह वाकु न। खास करियै सरकार बक्खी दित्ते जाने आली मीडिया प्रमाणिकता कन्नै जुड़े दे मसलें, उंदे पंजीकरण ते प्रेस कार्ड जारी नेई कीते गे। इसी तौले गै सुधारेआ जाग। उनें मीडिया गी सेई रूक्ख रखदे होई कम्म करने आसतै आखेआ जे पत्रकारें गी सरकार दी जवाबदेही मंगदे होइ सरकार तरफा कीते जाने आले शैल कम्में गी बी सामने आन्नना चाहिदा ऐ।

<><><><><><>

Dy.CM

उपमुख्यमंत्री सुरिन्द्र चौधरी होरें औहदा संभालदे मगरा अपने गृह चुनावी हल्के दे पैहले दौरें दरान नौशेहरा दे बक्ख-बक्ख हिस्सें दा दौरा लाया। उपमुख्यमंत्री होरें बसनीकें दी परेशानियां सुनने दे कन्नै क्षेत्र दे विकास सरबन्धी जरूरतें दा आकलन कीता। उनें मजूद अधिकारिएं थमां क्षेत्र च

<><><><><><>

Traffic Ramban

ट्रैफिक पुलिस राश्ट्री जरनैली शिड़क रामबन नै एसएसपी रोहित बसकोत्रा हुंदी दिक्ख-रिक्ख च ट्रैफिक नियमें दी उल्लंघना करने आले खलाफ इक खास मुहिम चलाई ते प्रेशर हार्न इस्तेमाल करने आस्तै 68 गड्डियां दर्ज कीतियां। निरीक्षण दल नै लापरवाह डरैवरें पर 6 लक्ख 80 ज्हार दा जुर्माणा लाया। इस खास मुहिम दा मकसद प्रेशर हार्न दा इस्तेमाल बंद करोआना हा जेह्दे कारण लोकें गी खास करियै बुर्जुग, बच्चे बमार लोकें गी काफी मुश्कल होंदी ऐ। गड्डिएं दे डरैवरें ते मालकें गी प्रेशर हार्न तोआरने आस्तै आखेआ गेआ ते ट्रैफिक नियम दी पूरी चाल्ली पालमा करने आस्तै आखेआ गेआ। ट्रैफिक हैल्पलाइन नंबर तुंदे कन्नै सांझा कीते जा'रदे नः— 9419993745, 9906023617 टोल फ्री नंबर 18001807043 ते 8401928625।

<><><><><><>

Kashmir Marathon

मुख्यमंत्री ओमर अब्दुल्ला ते बॉलीवुड दे कलाकार सुनील शेटी होरें अज्ज कश्मीर मैराथन द्रौड़ गी सांझे तौर पर शुरू करोआया। इस आयोजन च देश-विदेश थमां एथलीट हिस्सा लै करदे न। इस मौके पर बोलदे होई सुनील शेटी होरें कश्मीर दी सराहना कीती ते आखेआ जे उत्थे बड़ा शानदार म्हौल ऐ। उनें आखेआ जे सुरगै ज्नेई इस घरती पर आयोजित होआ करदी मैराथन द्रौड़ च शामिल होना, एथलीटें लेई केई मायने च खास ऐ। उनें मेद जाहर कीती जे कश्मीर ऐसी थाहर बनै जित्थे हर ब'रे लोक मते चाएं-चाएं औना पसंद करन। मुख्यमंत्री ओमर अब्दुल्ला होर बी इस मैराथन द्रौड़ च शामिल होए ते एथलीटें दा दिल बधाया। इस मैराथन दे आयोजन दा मकसद, पूरी दुनिया गी एह दस्सना ऐ जे कश्मीर च हुन हालात बड़े मते सुधरी चुके दे न। इस आयोजन च 13 मुख्य दे 59 एथलीटें सने भारत दे बक्ख-बक्ख राज्यें थमां बी मन्ने-परमन्ने दे एथलीट हिस्सा लै करदे न। इनें एथलीटें दी सुरक्षा जकीनी बनाने दे मकसद कन्नै पोलो व्यु थाहरै पर 20एं बिस्तरें आह्ला इक मेडिकल कैप खड्ढेरेया गेदा ऐ।

<><><><><><>

Women T20

महिलाएं दे टी20 क्रिकेट विश्व कप च अज्ज सं'झां दुबई अंतर्राष्ट्री क्रिकेट स्टेडियम च होने आहले फाईनल मुकाबले च न्यूजीलैंड ते दक्खन अफ्रीका दिआं टीमां आमने-सामने होउन। 2016 थमां ऐतगी पैहली बारी महिलाएं दे टी20 विश्व कप दा इक नमां जेतू सामने औग।

<><><><><><>